

المراجعة الأخيرة قبل الإقلاع | #عمرة_التبرية_3 | د. حازم

شومان

حازم شومان

معي يا اخواني احنا رايعين دلوقتي المطار بازن الله سبحانه وتعالى عايزين نستشعر ان يعني نزلة المطار دي كل حاجة فيها فكرك بالرحلة الى الله سبحانه وتعالى. كل حاجة فيها بتفكر بالدار الاخرة. نزلة المطار. يعني ايه؟ يعني انت اول ما تدخل المطار هيطلب منك ثلاث طلبات من على - [00:00:00](#)

ده الباب هيتقال لك جواز سفرك لو سمحت. والحاجة الثانية تأشيرتك لو سمحت والحاجة الثالثة تصريح السفر بتاعك. جواز السفر افتكر ان انت يوم القيامة هيطلب منك نفس الثلاث طلبات دول بالزبط. جواز السفر بتاعك. جواز السفر جواز السفر ده اول ما الواحد منا بيدخل القبر بيتسأل - [00:00:20](#)

اسئلة دول جواز المرور بتاعه. اللي بيسقط فيهم والعياذ بالله يعني ايه ده بيدخل في سكة ثانية بقى. من ربك؟ ما دينك؟ من نبيك؟ لازم عشان فوز عشان تعدي لازم يبقى معك جواز السفر بتاعك في الدار الاخرة. التأشيرة يا اخوانا الجنة لا يدخل فيها الا بتأشيرة. يعني زي - [00:00:40](#)

السعودية كده ما بتتدخلش الا بتأشيرة. الجنة ما بتتدخلش الا بتأشيرة. البلد الوحيدة اللي ما لفلهاش تأشيرة حد عارف هي ايه. ايه البلد اللي ما لهاش تأشيرة حد عارف ايه. اليمن ولا ماليزيا ولا مصر؟ انهي بلد؟ هو كزا بلد يعني مش بلد واحدة - [00:01:00](#) يبقى اذا الجنة لا تدخل الا بتأشيرة. انت تأخذ بطاقة بعد العرض على الله. عارفين بالظبط كده لما تلاقي الطيارات واقفة الطائرة دي رايحة امريكا دي رايحة سويسرا دي رايحة فرنسا. دي رايحة تركيا دي رايحة موزمبيق. كل واحد على حسب التزكرة بتاعته. على حسب الحاجة بتاعته - [00:01:20](#)

بالزبط كده انت رايع على فين في الجنة؟ يعني الجنة دي مقامات. فلا يدخل الجنة الا ببطاقة دخول الجنة. وهتدخل فين؟ ده على حسب المقام بتاعك. الحاجة اللي بعد كده يا جماعة وانت داخل من المطار بتاخذ الشنط بتاعتك. فيقول لك عديها من على جهاز كده دخلها جوة جهاز عشان - [00:01:40](#)

الا وفيها ممنوعات تتزبط. اكبر مشكلة واكبر ازمة ان الشنط بتاعتك يطلع فيها ممنوعات. ان يطلع فيه ممنوعات في الشنط بتاعتك دي تبقى مصيبة يعني لو واحد مسلا اتزبط مخدرات في الشنط بتاعته. واحد اتظبط سلاح ناري في الشنط بتاعته. واحد اتزبط يبقى ممنوعات دي كارسة. طب تخيل بقى يوم - [00:02:00](#)

يوم القيامة لو اتظبط ممنوعات في الصحيفة بتاعتك. يعني ايه ممنوعات؟ يعني كباير ذنوب معاصي. يبقى انت قلبك شكله ايه؟ يعني تخيل لو واحد منا كده وهو حط الشنطة على السير والناس كلها بتعدي لقي العساكر اتلمت وقالوا له لو على جنب بقى لو سمحت في ايه؟ في حاجة في الشنطة بتاعتك تعال بقى ما نفتشك بالزبط. بيبقى اللي بيحصل له - [00:02:20](#)

والموقف ده بيبقى قلبه مخطوف ليه؟ ما هوش عارف فيه ايه؟ ما هوش عارف. تخيل بقى لو الموقف ده حصل يوم القيامة فيه ممنوعات في الصحيفة. فيه ذنوب في الصحيفة. فيه كباير في - [00:02:40](#)

واحنا راجعين بازن الله سبحانه وتعالى. بتلاقي الشنط بتعدي على سير. وكله واقف مستني الشنط بتاعته. اللي هو اشتراها هناك. اللي هو جابها هناك فتخيل نفس المنظر ده بيحصل يوم القيامة ولكن على الميزان. على الميزان كل واحد مستني الشنط بتاعته

بتاعة الدنيا. شنت الاعمال اللي عملها سواء صالحة - 00:02:50

او سيئة. ففي واحد بتفتتح الشنت شنت كبيرة جدا. وفي الاخر الاية لا تزن جناح بعوضة. ليه؟ لان الشنت ديت كانت دنيا وفي سبيل الدنيا وليس فيها شيه في سبيل الله. تعب وشقى وعرق ولكن عشان الدنيا مش عشان ربنا سبحانه وتعالى سعي في الدنيا بدون نية في سبيل الله - 00:03:10

ضاعت عليه. واحد تاني شنت مليانة حسنة. ها تخيل بقى شنتة مليانة كده شيكات ومليانة سندات ملكية. الشنت مليانة حسنة كل حسنة عملتها تتفك في شكل نعيم في الجنة. هي دي العملة الصعبة بتاعة يوم القيامة الحسنة. انما الاموال لا تغني شيئا وقتها. واحد تاني - 00:03:30

الشنت بتاعته كلها اعمال سيئة. يبقى ازا ده موقف مشابه. موقف مشابه تماما. من المواقف اللي بتحصل في المطار الكافيتريا في ناس مننا ما جابتش سندوتشات ولا جابت عصير ولا اي حاجة. فيقوم يدخل في الكافيتريا ويقول اما اشتري حاجة ويلقي كافتيريات حلوة وسندوتشات كبيرة فيدخل يسأل - 00:03:50

علبة العصير دي بكام يلاقيها بخمستاشر جنيه. يا عم انا بجنيه ونص عندنا. طب والسندوتش ده بكام؟ يقول له ده بخمسة واربعين جنيه. يا عم ده بخمسة جنيه ولا ستة جنيه في المائدة اللي جنبنا - 00:04:10

طب وده باكل بسكوت ده بكام؟ يقول له باتناشر جنيه. فيقول يا ليتني قدمت لحياتي. يكتشف بقى ان الانسان اللي ما عملش حسابه ان الحسنة في الدنيا كانت يعني سهلة. سهل دلوقتي هتفتح المصحف هتقرا تقرأ صفحة قرآن هتاخذ حسنة. ولكن يوم القيامة هتبقى غالية قوي. ما عدش ينفع - 00:04:20

الانسان يحصلها اصلا. اهو بالزبط كده انك انت تفتكر لما تشوف كافتيرة المطار ان الحاجة اللي كانت متاحة لك بكل سهولة في بلدك ازا المية اللي كانت باتنين جنيه من السوبر ماركت اللي جنبك. شف الوقت هتبقى بكام في المطار. يبقى انك انت في حاجات في متناولك النهاردة - 00:04:40

ولكن بكرة هتبقى غالية عليك. تدخل بقى المسجد بتاع المطار هتعمل زي المسجد اللي احنا دخلناه في الاستراحة كده بالزبط. يعني يا دوبك اما توضحنا دخلنا لقينا الناس ما شاء الله - 00:05:00

وما فيش حد مستني حد يعني ايه؟ مش مستنيين حتى مسلا خمس دقائق عمال نتجمع. ها الاخوة الله يغفر لهم انطلقوا. اهو مسجد المطار يفكر كده كله مفزوع كله ملهوف كله مزروع كله بيقول يلا نفسي. ما حدش بيستنى حد ما حدش بيحس بيحس في حد. ما حدش عنده استعداد يستنى حد. هو بالزبط كده يوم - 00:05:10

القيامة احنا دلوقتي ماشيين صحبة وفي اتوبيس واحد وممكن نستنى بعض ولكن يوم القيامة حدش هيستنى حد. ما حدش هيفكر في حد. كل حاجة الاحداس اللي بتحصل لنا في المطار من واحنا واخدين شنت السفر بتاعتنا ونازلين كلها بتفكر بالزبط - 00:05:30

في الدار الاخرة التيارات واحد راكب طائرة دلوقتي ورايح على اغلى منتج سياحي في العالم مسلا. واحد راكب طائرة ورايح في دولة افريقية مسلا. واحد راكب طائرة ورايح اه اه يعني كذلك الجنة كل واحد مننا على حسب عمله. واحد هيروح الفردوس الاعلى. واحد هيروح جنات عدل. واحد هيروح اه اه - 00:05:50

اصحاب اليمين واحد هيقف على جبل الاعراف. جبل الاعراف بيتوقف عليه بسبب ان تنسيقهم وقف حسنة واحدة على مجموع الجنة. ما عرفوش يجيبوه مجموع الجنة خمسين في المية. لازم عشان الواحد يدخل الجنة يجيب خمسين وحسنة. خمسين في المية وحسنة. لازم الحسنات تزيد عن السيئات - 00:06:10

ولو بحسنة واحدة. سواء اللي جابوا خمسين في المية دول بيقفوا على جبل الاعراف. مش فرقت نص درجة على كلية هندسة مسلا. ده فرقت حسنة احلى مجموعة جنة. فدول واقفين بقى يعني تخيل ساعتها الانسان هيدرك قيمة الحسنة. شكلها ايه؟ من الحاجات اللي - 00:06:30

في المطار مسألة تصريح السفر تصريح السفر ده في ناس ما بتسافرش بسببه. يعني ايه تصريح السفر؟ يعني شهادة الجيش. يعني ايه؟ يعني موقفك من الجندية. يعني ايه يعني هو انت مش حر نفسك انت واحد تبع دولة. انت واحد بتنتمي لدولة. انت راجل انتباهك لدولة ده بتاخذ حقوق بموجبه. فانتماك للدولة ديت في - [00:06:50](#)

حقوق عليك من ضمنها الجندية التجنيد للجيش. هات موقفك من الجندية لو سمحت. طب لو انت قلت لهم ما فيش موقف من الجندية يقول لك ما ينفعش تسافر. اتفضل ارجع هات موقف من التجنيد - [00:07:10](#)

اهو بالظبط كده يا جماعة. تخيلوا بقى ان احنا بننتمي لدين. مش بننتمي لدولة. احنا بننتمي لدين. فيوم القيامة تتسأل موقفك من الجندية ايه؟ موقفك من الجندية لديك ايه؟ عملت للاسلام ايه؟ تخيلوا ان احنا معظمنا هارب من التجنيد؟ معظمنا هارب من الجندية لدين الله. سبحانه وتعالى. قال الحسن البصري - [00:07:20](#)

رحمه الله يؤتى بالاسلام يوم القيامة. فيقول يا رب هذا نصرني. ويا رب هذا خذني حتى اذا جيبه بعمر ابن الخطاب قد قال الاسلام يا رب كنت غريبا حتى اسلم عمر. يبقى انت يوم القيامة لما الاسلام هيشهد عليك وعليك. الاسلام هيقول ايه بقى؟ هيقول يا رب دي نصرتي - [00:07:40](#)

ولا يا رب خذتني ولا يا رب ده نصرني ولا يا رب ده خذني يبقى فيه ناس يا جماعة للاسف ما عهاش تصريح سفر ليوم القيامة. ما عهاش موقف من التجنيد - [00:08:00](#)

موقف من الجندية للدين. موقف من الجندية للاسلام جولداماثير. لما حرقوا المسجد الاقصى قالت ندمنا اننا لم ننسف المسجد الاقصى. يا ريتنا كنا نسفناه فقالوا لها ليه؟ قالت لهم لما حرقناه قادة اليهود استخبوا في المخابى. زنوا ان المسلمين هيلوعوا الدنيا. فلقوا المسلمين قاعدين ينونوا ونسجج نادين نستنكر - [00:08:10](#)

فعرفوا ان المسلمين ما بيعملوش حاجة. فقالت ندمنا اننا لم ننسف المسجد الاقصى. يا ريتنا بدل ما حرقناه وقاموا جايبين داهنيته تاني وخلص ورجع زي ما كان والمنبر اللي اتحرق جابه منبر خشب بداله يا ريتنا كنا نسفنا المسجد الاقصى كله. ليه؟ لان بلا رد فعل. يبقى اذا تصريح السفر في الاخرة بقى - [00:08:30](#)

هو جنديتك لدين ربنا. جنديتك لدين ربنا. عملت ايه؟ للاسلام. يبقى جواز سفرك بتاع يوم القيامة معك ولا لأ؟ تأشيرة دخول الجنة معك ولا لا تصريح سفرك بتاع يوم القيامة معك ولا لا؟ شنطة اعمالك صحيفتك لو عدت من على الجهاز بتاع التفتيش يوم القيامة فيها ممنوعات ولا لأ؟ الشنط - [00:08:50](#)

لا تستناها على السير على الميزان يوم القيامة. فيها حسنات ولا سيئات ولا دنيا في دنيا شنط كبيرة وفي النهاية لا تزن جناح بعوضة. هتركب انهي طيارة الطيارة اللي رايحة الفردوس الاعلى ولا الطيارة اللي رايحة جنة اصحاب اليمين ولا الطيارة اللي رايحة في جوار النبي عليه الصلاة والسلام؟ في اعلى غرف الفردوس - [00:09:10](#)

الاعلى هتركب ايه؟ يوم القيامة ما حدش هيسنتى حد. مدرك الموضوع ده. مستعد انت ما انتاش محتاج حد. واخذ كامل استعداداتك بحيس ان ما فيش حد هينفلك طلب يوم القيامة. لا حد هياخد منك سيئة ولا حد هيديك حسنة. ولا حد هيقف معك ولا حد ما فيش. انت يجب ان تكون مدرك ان - [00:09:30](#)

يوم القيامة ده يوم اكتفاء ذاتي برحمة الله. ما حدش هيفتكر حد ولا حد هيعمل حاجة لحد. يعني انت نازل السعودية دلوقتي ممكن يكون الشركة هتعمل لك كزا مش يعني انا معييش فلوس سعودي واحد يسلفني سعودي عم ابقى واشتري خط او حد يجيب لي خط او كده انما انت يوم القيامة يجب ان تدرك - [00:09:50](#)

له ما حدش هيعبر عن ولا يسأل حميم ايه؟ حميمة. يعني ما حدش هيسأل في حد. لو واحد شاف احب الناس اليه بيفعل فيما يفعل يوم القيامة اعمل اللي ما اعرفوش اصلا. لن ينظر اليه. فالرحلة الى آآ السفر تذكرنا بالرحلة الى الله. وكلما اقتربنا من المطار نتذكر حينما - [00:10:10](#)

هنقترب من الدار الاخرة من حياة القبور. حينما نقترب من القبور كاننا نسافر من عالم الى عالم. لو واحد دخل على مراته فجأة قال لها

يلا جهزي شنطك بسرعة بسرعة. قالت له ايه؟ قال لها مسافرين. مسافرين فين؟ جمصة ولا راس البر؟ قال لها مسافرين. السعودية.
سعودية مين يا عم؟ انت دماغك - [00:10:30](#)

كفاية حاجة. قالت له مسافرين امتى بعد اسبوع ولا شهر؟ قال لها مسافرين بعد خمس ساعات. دي الطائرة هتطلع الساعة اتنين من
برج العرب. يلا يا تلحقي يا ما تلحقيش. يا عم انت دماغك فيها حاجة - [00:10:50](#)

طيب هنقعد قد ايه؟ عمرة اسبوع ولا عشر تيام؟ قال لها عقد عمل عشر سنين. من غير اجازات. مش هنرجع غير لما العقد يخلص.
الراجل ده عاقل ولا مش عاقل - [00:11:00](#)

الراجل ده مش عاقل يا جماعة اهو الذي لا يستعد للدار الاخرة اشد جنونا من هذا الرجل هو الذي يستعد ليوم يلقي الله واللي يأخذ
عبرة من كل شيه تذكروا بساعة الوقوف بين ايدين ربنا. عايزين قلوبنا تتملى مشاعر تجاه الاخرة يا جماعة. حد عارف اول حاجة
بنعملها في العمرة ايه؟ اول حاجة بنبدأ بها العمرة اول ما بندخل الحرم - [00:11:10](#)

اول ما ندخل الحرم المكي اول حاجة بنعملها ايه؟ صلي ركعتين ايه؟ ايه يا شيخ محمد؟ اول ما ادخل الحرم الطواف اول حاجة
بنعملها في الطواف ايه؟ استلام ايه؟ الحجر الاسود. الحجر الاسود ده حجر منين اصلا؟ من الجنة. يبقى بداية العمرة - [00:11:30](#)

انك انت بتشير الى حجر من الجنة كأن البداية ان يشتعل دافع الدار الاخرة في قلبك. هي دي اللي هتخليك تتوب وتسعى وتضحى
وتروح وتيجي. يبقى يا جماعة الدار الاخرة هي اكبر دافع النبي عليه الصلاة والسلام ربي الصحابة عليه من اجل ان يسألوا لو انتم

بتقرأوا القرآن ركزي على ايات الجنة ركز على ايات النار ركزوا على - [00:11:50](#)

الدار الاخرة لعل القلوب تتشحن وتتملى رغبة الى الله ونرجع برغبة غير التي تهبنا بها. جزاكم الله خيرا. هننزل المطار دلوقتي يا
جماعة ان شاء الله قربنا في المطار آآ يعني طبعاً آآ يعني اول تنبيه في المطار مش عايزين نروح الفريق تروح. مش عايزين روح

الترابط تروح - [00:12:10](#)

يعني اما ننزل المطار انا عايز آآ انا عايز انا عربية انا عايز احط آآ شنطتي بس انا الاول يا جماعة يعني لو لقيت مسلا ايه يعني والدك
جنبك او ام فاضلة جنبك - [00:12:30](#)

نخدم بعض يعني ده جايبين ندخل مسلا حمام مسلا في المطار او حاجة ولقيت دي مسلا ام فاضلة او انت لقيت والدك نخدم بعض يا
جماعة. يعني نعيش بروح الفريق طول الحداشر يوم. قال رسول الله صلى الله عليه وسلم يد الله مع الجماعة. يد الله مع الجماعة.

الناس اللي مجتمععة على طاعة ربنا. يد الله معها. وكفى بهذا فتح - [00:12:40](#)

من الله سبحانه وتعالى. نخدم بعض آآ نطمئن مش قضيتك شنطك. وبعد كده قضيتك عربية تحط عليها شنطك وبس. وبعد كده
قضيتك انك تلحق مكان في الطابور وبس وبعد كده قضيتك انك تاخذ ختم الخروج وانت خارج من البلد وبس. وبعد كده لا لا لا بص

حوالك. لو سمحتم يا اخواني بصوا حواليكم - [00:13:00](#)

اخوانكم بصوا لاختاتكم بصوا لبعض يا جماعة بيسندوا بعض يشيلوا بعض وآآ عشان ربنا يحب هذا. كده كده ما حدش هيسمع حد.
لو موت ما فيش حد هيسمع الثاني اصلا. يعني انت لو جريت وسمعت كلنا في الاخر هنقف مع بعض لان هي مرحلة واحدة. يعني هي

مش هيوان باكيديج يعني الطيران باكيديج - [00:13:20](#)

يعني ولو انت جريت مش هتركب طائرة الساعة واحدة ونص قبل طائرة الساعة اتنين وتوصل قبل نص ساعة هو كله هيركب مع
بعضه بازن الله. فنظهر يعني الاخلاق الحسنة كلمة السفر حد عارف يتسلى السفر ليه؟ سفر السفر سفر ليه؟ لانه يسفر عن معادن

الرجال. لانه - [00:13:40](#)

تبين حياة كل واحد. فلما ننزل المطار نراعي الترابط بتاعنا. نراعي الترابط. الحاجة الثانية ذكر الله سبحانه طبعاً تخليص الاجراءات
والشنط كاوتنر والختم كل ده لحد ما ندخل المرحلة دي بتبقى مرحلة ايه؟ يعني شغل - [00:14:00](#)

شوية نراعي ذكر الله سبحانه وتعالى. لا يفتن السنتنا عن ذكر الله ابد ابد ابد. واول ما نعدي بقى من على الختم يعني افضل لنا
ساعة ساعتين الله اعلم بازن الله اقف بقى صلي اقف اذكر ربنا نور الله من انفسنا خير كل ما يبقى في وقت خلوة نري الله من انفسنا

خيرا - 00:14:20

سددكم الله وحفظكم الله. وفي ورقة عن الاعمال الصالحة في المطارات. خلاص في ورقة معكم عن الاعمال الصالحة في المطار. من اجل ان نضيع ساعة يا ريت اه يعني يعني الاخوة بقى يتعرفوا على بعض والاخوات يتعرفوا على بعض يعني يعني يا ريت بقى يا جماعة نتصاحب بقى في تطبيق الكلام ده. يا ريت يبقى - 00:14:40

في تصاحب ما حدش يتكسف يا اخوانا ما فيش حد يتكسف الاخ مكسوف والاخت مكسوفة والكسوف اللي ضيع اللي ضيع لنا ديننا ده. لقيت واحد شكله يصلح وشه ينور زي الشيخ عمر ابو بكر - 00:15:00

رح اتعرف عليه قل لي يا شيخ احمد انت اتأثرت في السندوتشات اللي كنت بتاكلها شكلها مليانة فراخ ما شاء الله لا قوة الا بالله. كده يعني الشيخ محمد زويلم - 00:15:10

بيسجلونا على الموبايل عند محمد غسل. الشيخ محمد غسل يعني ايه؟ يعني اتعرف على الناس. يعني احنا معنا هنا صحبة يا جماعة يعني في هذا الفوج قد لا قرر فيه حياتك. معنا صحبة مش معقول انها صحبة حلوة ولا انما فيه جو حلو. فيه بيئة حلوة. فيه بيئة القضية مش قضية عمرة ورجعنا ننام في بيوتنا - 00:15:20

القضية قضية ان الغنيمة الكبرى من العمرة انك خرجت بصاحب صالح. يفضل يزقك في طريق الدين مدى حياتك. تيجي معه ميت عمرة بعد كده. ان شاء الله بازن الله احيانا ان ربنا احيانا سبحانه وتعالى ان شاء الله. واحنا راجعين في الباصات هنعلن عن عمرة التربية اربعة. ان شاء الله بازن الله. دلوقتي امن الوقتي ايه القضية؟ ان شاء الله. ايه القضية؟ فضل ومنة الله سبحانه وتعالى -

00:15:40

يعني بنوي زي ما لكل امرئ ما نوى. انما القضية قضية انك ممكن تروح انك تنشغل عن اخوانك. المهم ان انا اعبد وخلص. طب ما تحط ايدك في ايد اخوك وتعبده مع بعض - 00:16:00

اضعاف عبادتك. وفي نفس الوقت هترجع وانت معك صحبة صالحة. لو سمحتم ابقوا تعرفوا على بعض. لو سمحتم فكرة تعارف يسود طول الرحلة لحد دلوقتي اتوبيسين. لسه فيه ثلاث اتوبيسات تانيين بازن الله سبحانه وتعالى. فيعني سروة من الصحبة الصالحة. فنسأل الله سبحانه وتعالى ان يعني ان يعظم غنيمته - 00:16:10

في هذه العمرة مما يرضيه عنا انه ولي ذلك والقادر عليه. جزاكم الله خيرا - 00:16:30